

Sunt vero hi Montes admodum frigori obnoxii, in eisque frequenter nives cadunt; nec arbores ut plurimum proferunt, unde Incolæ ignem ex terra quadam ad hoc apta fovent. *Andes* sunt etiam Montes, sed continua serie producti absque vallibus. Hi etiam a Septentrione in Meridiem porriguntur, & inter hos & alteros Montes *Collao* Provincia clauditur, quæ sane ut plurimum Montibus referta est, ac frigori subjecta, sed tamen valde populosa. Montrana Regio, Lævino Appollonio teste, Maritimæ Regioni hominum cultu, Urbium frequentia, & Soli Aerisque beatitudine longe præstat, ac peculiari idcirco Regum Sede, Procerumq; habitaculo excoli consuevit. Terra præter *Chamacerasia*, & alia id genus mora dumeris assueta, lactucas, brassicas, raphanos magna proceritate luxuriantes, & tenuium etiam mensis vulgares, amaracum & similes herbas profert: & reliqua porro omnia, quæ postea Hispanis ferentibus accepit, uberrima referendi benignitate reddit. Verum ante alia Frumentum tanta fecunditate luxuriat, ut si vere proditur, uno ex sativo Frumenti sextario, quinquaginta aut centum, ducenti interdum progignantur, quod eo certe vehementius demirari licet, quod levissimam tenuissimamque agriculturæ curam ac rationem exerceant. Auri Argentique ditissima inter omnes totius Orbis regiones non immerito Peruvia censetur. Continet autem Peruvia Provincia intra suos limites plurimas Vrbes ac Civitates, quarum præstantiores ac celebriores sunt: *Portus Vetus*, *Michaelia*, *Trugillum*, *Regium*, seu *Lima*, *Arequipa*, *Quito*, *Cusco*, *Argyropolis*, & *Potosum*. Quarum quinque priores ab Hispanis primum situs commoditate, & mercaturæ opportunitate allectis occupatæ sunt, & ædificijs more Europæo exornatæ. De moribus autem Peruviorum in universum Lævius Apollonius sic scribit: Univerſi tribus potissimum gentibus distinguuntur, quarum singulæ plures sub se populos nominum rursus varietate differentes continent. Hæ gentes dissimilitudine gaudent, & diversis linguis sunt discretæ: frequenter etiam Limites excedentes inter se bella gerere, & ferro injurias vindicare discordes solebant, priusquam in unius *Gynacana* ditionem ad Æquatorem usque Provincia cessit. Fœminis lanea vestis est ad ralos usque propendens: Mares Indusium ad suras usque, & huic superjectum palliolum gestant. Quanquam vero idem fere tota regione corporibus vestimenti sit genus, capitum tamen habitus mirifice variant, cum singuli pro usitato patriæ more fasciolas tornatiles, multi simplices, plurimi versicolores gerant. nec fere sint quiquam, qui eo in capitum ornatu secundum patrium utum ab alteris non vehementer discrepent. Admirabili vero omnes Natura indolis simplicitate imbuir: adhuc vetustæ ruditatis hæres, qua ridiculas nobiscum negotiationes exercent: vix inexhaustas suas Auri atque Argenti Gazas norunt, atq; informibus eorum massis tantum utuntur, quanquam Aureorum atque Argenteorum emblematarum non minore quam nos delectatione capiantur.

*Chili* Regnum ultra Tropicum Capricorni situm est inter Peruviam & Patagonum Regionem, quarum hæc Meridiem, illa Boream spectat: ad Occasum habet Mare Pacificum, longo tractu. Nomen habet a frigore

Vrbes.

Mores.

Vestitus.

Chili.

Situs.